



Universitätsbibliothek Paderborn

Historiae Ecclesiasticae Pars ...

HISTORIAE ECCLIESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De prima Apostolorum successione. Cap. IIII.

urn:nbn:de:hbz:466:1-29861

ris, quibus contradicitur, fuerint illæ, quarum testimonia nonnulli scriptores ecclesiastici variis temporibus in suos libros illigarunt: eaq; etiam quæ ab eisdem scriptoribus tam de illis scripturis, quarum authoritas omnium sententiis constabilitur, quam de iis, quæ non sunt eius generis, referantur. Ac de his, quæ dicuntur scripta Petri (ex quibus unam solam epistolam germanam noui, eamq; summo antiquorum presbyterorum consensu approbatam) ista sint isto tempore à nobis exposita. Pauli autem quanq; quatuordecim testatae & notæ dicuntur epistolæ, tamen quod quidam illi epistolæ, quæ est ab eo ad Hebreos scripta, perinde ac si Pauli non sit, fidem abrogare studuerint, affirmauerintque eidem ab ecclesia Romana contradici, in obscuro relinquere neutquam consentaneum existimauit. Ea igitur, quæ sunt de hac ipsa à maioribus explicata, ubi tempus dabitur oportunum, in historia ponam. Illa quæ eius acta vocantur, in scripturarum illarum numero, de quibus nulla est omnino dubitatio, habita esse non equidem accepi. Et quoniam apostolus ipse in salutationibus, quas extremae epistolæ ad Romanos perscriptæ attexit, inter alios, etiam Hermæ cuiusdam (cuius opus esse ferunt, qui Pastoris libellus inscribitur) mentionem facit, intelligendum est, istum tametsi in questionem à nonnullis vocatur, ac propterea scripturis omnium assensu approbatis, nullo modo annumerandum ducitur, ab aliis tamen pernecessarium, iis præsertim, qui iam primis fidei elementis imbuendi sunt, indicatum esse. Vnde hoc quidem tempore eum non modo in ecclesiis palam perulgatum, verum etiam eius testimonia à nonnullis veterum scriptorum in suis libris citata animaduertimus. Itaque quod constaret tum quæ in sacris scripturis in nullam omnino questionem adductæ sint, tum quæ contra non satis ab omnibus probatæ, hæc in presentia à nobis explicata sunt.

De prima Apostolorum successione.

CAP. IIII.

Quod vero Paulus gentibus verbum Dei predicavit,
quodq;

EVSEBII HISTORIAE

quodque ecclesiarum fundamenta ab Hierusalem, & eius finibus vndiq; ad Illyricum vsque iecerit, non solum ex suis ipsis vocibus, sed etiam ex libro Luce, qui acta apostolorum inscribitur, satis perspicuum est. Porro quibus in prouinciis Petrus Christi euangelium, his qui erant ex circuncisione, enuntiarit, nouumque testamenti sermonem tradiderit, ex sui ipsius verbis petitis ex epistola illa, quam illius verè esse, omniumq; approbatione confirmata fuisse diximus, quam denique Hebreorū stirpe oriundis, qui dispersè & vagè Pontum, Galatiam, Cappadociam, Asiam, & Bithyniam incoluerunt, scripsit, satis evidenter & aperte constat. Quot vero & quinam veri & ingenui horum apostolorum imitatores facti, satis habiles & idonei ad ecclesias, quas isti fundauerant, pascendas regendasque, estimati fuerint, dietu certe non est proclive: solis illis exceptis, quos aliquis fortasse ex Pauli scriptis obiter possit colligere. Huius enim adiutores, & vt ipse appellat, commilitones, propè infiniti extiterunt: Quorum nonnulli exemplarium ab eo prescriptarum testimoniiis ad perpetuitatem duraturis donati, memoriae sempiternæ commendantur. Eodem accedit Lucas, qui discipulos Pauli, dum in Actis eos enumerare contendit, nominatim percenset. Ex quorum numero fuit Timothaeus, qui ecclesiæ, quæ est Ephesi, primus episcopatum obtinuisse traditur. Titus itidem, qui ecclesiæ, quæ sunt in Creta, præfuit: Et Lucas etiam genere Antiochenus, scientia & arte medicus, qui quidem tum plurimum cum Paulo versatus, tum reliquorum apostolorum familiaritate, & consuetudine non raro aut leuiter usus, præceptiones medicinæ, quam ex illorum doctrina ad hominum animos sanandos hausisset, duobus voluminibus diuinitus inspiratis nobis reliquit. Quorum alterum euangelium est, quod se non aliter exarauisse testatur, atque ei tradiderant illi, qui ab initio suis oculis Christum vidissent, quique fuissent verbi ministri, quos quidem à principio in omnibus accuratè se secutum tradit: Alterum apostolorum acta complectitur, quæ cum non auditione & fama, sed suis oculis ipse accepisset, in unum libellum contulit, fertur etiam Paulum, cù tanquam propriet

Acto. 16.

proprij cuiusdam & sui Euangelij memoriam in suis scriptis hoc modo usurpare consueuerit (secundum euangeliū meū) illud planè, quod est secundum Lucā intellexisse. Ex cæteris Pauli comitibus & discipulis vnum suisse Crescētem: quem in Galatiam profectum, Paulus ipse testatur. Alterum Linum, quem in secunda ad Timotheū *2.Tim.41* epistola simul cum illo Romæ versatum memorat, quēq; primum post Petrum in Romanæ ecclesiæ episcopatum forte delectum suprà demonstrauimus. Alterum Clemētem, qui Romanæ ecclesiæ fertius constituebatur episcopus, quem Paulus cooperarium suum, & concertatorem in domino fuisse testimonio confirmat. Adde hiis Areopagitam illum, Dionysium nomine, quem in Actis Apostolorum post Pauli concionem in Areopago apud Athenienses habitam, ad fidem conuersum fuisse Lucas in Actis Apostolorum scribit: quemq; primum ecclesiæ *Act.17:* Atheniensis episcopum designatum, alijs quidam Dionysius ecclesiæ Corinthiorum pastor, scriptor sane per antiquus, narrat. Verum quo pacto Apostolorum successiones temporum serie gradatim continuatæ fuerint, à nobis vbi dabitur occasio, in historiæ progressu dicitur. Nunc autem ad reliquam historiæ partem pergamus.

*De ultima post Christum Iudeorum obsidione.**C A P. V.*

POstquam Nero decem & tres annos imperii gubernaculis præfuerat, atque post illum Galba & Otho integrum annum & sex menses eundē dignitatis gradum obierant, Vespasianus expeditionum cōtra Iudæos susceptarum tropheis nobilitatus, Rex Romanorum in ipsa Iudæa declaratus est, & ab vniuerso exercitu, qui illic erat, imperator palam prædicatus. Inde exemplo Romanam iter suscipiens, administrationem belli contra Iudæos parati filio suo Tito commisit. Post seruatoris nostri ascensionem, cum Iudæi præter illud facinus, quod in ipsum consciuerant, etiam iam cōtra eius Apostolos, vix dici potest, quot & quantas fuissent insidias moliti, primum in Stephanum, quem lapidibus obrutum, ē medio sustulerunt, deinde post eius necem, Iacobum filium

F

Zebes